

Iucida sunt corpora; Sed respectu nostri videntur pallida;
idq; sit propter vaporum humidorum copiam, interje-
ctorum inter nostrum aspectum & corpora ista cœlestia.
2. *Cornua Lune obtusa ac tenebrosa* mox à novilunio: ubi iti-
dem vapores plurimi rem aspectabilem incrassant. 3. *Stel-
larum de nocte obfuscatio*: cuius obfuscationis causas esse
nubes crassas, nemo fortasse negabit.

LXXVI. *In aere signa venturæ pluviae sumuntur*: 1. *In aere.*
ex vaporum ascendentium nubiumq; densarum frequentia: si-
quidem datâ causâ sequitur effectus, non igitur potest
non sequi pluvia, tanquam effectus nubium. 2. *ex nubium
celeritate*, ortâ à ventorum impulso, quo nubes coactæ
densantur & vehementer comprimuntur, adeò, ut humo-
rem conceptum diutiùs continere nequeant. 3. *ex rube-
dinematutinâ*: quam communem observationem Meteo-
rologicam allegat ipse Salvator *Mattb. 16. 2.* 3. neq; deest
ratio: hæc enim rubedo testatur, multos vapores noctu
collectos unâ cum Sole in medium aeris regionem ascen-
dere, quò delati, frigore ejusdem regionis densantur,
postmodum in nubes, & ex his in pluvias abeunt.

LXXVII. *Signa ex animalibus desumpta sunt*: 1. *Hi-
rundines circâ litora volitantes, & latebras quærentes contra
instantis pluviae injuriam*. 2. *Grues per alta cœli involantes;*
hi enim ex aeris alteratione pluviam præsentientes, altiùs
fursum enituntur, ut hoc modo eandem effugiant. 3. *Corvi
& cornices erocitantes*, nim. præ impatienciâ venturæ plu-
viæ, quam metuunt. 4. *Aves maritimæ & lacustres*, de qui-
bus Virgilius ex Varrone *I. 5. de ling. Lat. canit*:

Tùm liceat pelagi volucres, tardæq; paludis
Cernere inexperto studio certare lavandi,
Et velut insolitum pennis infundere rorem.

C 3

Hoc

XI